



UNIVERSITÄTS-
BIBLIOTHEK
PADERBORN

Universitätsbibliothek Paderborn

Martini Martinii Tridentini E Societate Jesu Sinicae Historiae Decas Prima

Martini, Martino

Monachii, 1658

Decimusseptimus Imperator Hoenus. Imperavit annis XXV.

urn:nbn:de:hbz:466:1-11848

DECIMUSSEPTIMUS IMPERATOR

H O E I U S.

Imperavit annis x xv.

HO E I U S LII filius traditum ab eo imperium sex annis tenuit in otio; cum TIE, gens in XANSI provincia, quâ Boream spectat, habitans, ubi nunc TAITUNG urbs ultra murum magnum, qui quidem hoc tempore nondum erat constructus, obversa TARTARIÆ, Sinas ingressi HING urbem obsident. Sed non diu terna eo obsidio fuit, Imperatoris nomine arma opponente UONCUNGO & hostem inde vi ejiciente. Quem deinde fugientium specie magis, quam obsidionem solventium in GUEI regnum infesta signa transferentem ICUNGUS QUEI rex fortiter excepit, obviam ei procedens cum exercitu. Jamque in conspectu utraque acies erat, intenta in signum proelii, & rex QUEI opportuniorem ad pugnandum locum occupaverat, cum ei victoriam è manibus propè extorsit stultissima superstitio. Infederant fortè suorum aliquot militum hastis aves; quas ut erat earum ineptissime amans, abigere religio fuit, eo proelio se inde superatum iri auguranti. Omisâ igitur pugna, TIE exercitus recedendi occasione usus, captoque ad pugnandum loco commodiore, cum ICUNGO acie congressus, eo victo necatoque augurij sortem, vel elusit, vel implevit. Reliquæ exercitus filio regis natu majore in regem electo, ad Australem regni partem, inter CICROCEUMque flumina, contendunt. UONCUNGUS in omnem rei bene gerendæ occasionem intentus, desertas QUEI oras invadit, TIE exercitum delet, ac ne alienas ambire terras videretur, alterum ICUNGI filium regem creat, occupatis à se locis precario impositum, vocatumque suo nomine UONCUNGUM. Ita QUEI regnum in duas partes distractum est, cujus conjunctæ vires CI regi timebantur. Qui subinde victorij & potentiâ ferox Zu regi bellum indixit, æquè, ut ipse erat, potentissimo. Postquam vario utrinque Marte pugnatum; tandem bello fessio ambo ad pacem respexere, cui conficiendæ in montem Chaolin colloquium indictum. Nihil aliud sub hoc Imperatore accidit memorabile, nisi quòd ipse quidem nomine Imperator, re autem verâ UON-

Cyclo 34. anno
42. ante Christum
676.

Superstitione
amissa vitioque
ria.

CUNGUS esset. Huic aderant vires, imò & animus imperij capiendi, nisi omnium aliorum regulorum in se unum timuisset arma convertere. Nam cum eidem imminerent omnes, altero alterius ambitioni obstante, nullus obtinuit.

DECIMUS OCTAVUS IMPERATOR
SIANGUS.

Imperavit annis XXXIII.

*Cyclo 35. anno
7. ante Christum
651.*

SIANGUS HOEIO successit, jam à puero suspicione nimia penes CI regem potentia imbutus. Postquam igitur ad gubernacula reipublica accessit, undique facultatem coepit querere vel UONCUNGUM deprimendi, vel aliorum regulorum animos sibi conciliandi, quò imperatoriam Majestatem pristino splendori restitueret. Quam quidem ad rem ei duplicem viam fortuna patefecit.

CI rex QUONCHUNGI industriâ, beneficiarijs regulis omnibus conventum indixerat, Quem ut imperij turbandi materiam timens Imperator, quia impedire non poterat, UONCUNGUM saltem in invidiam apud regulos adducere, velut se unâ cum illis Imperatorem agnosceret, statuit efficere. Ergo ubi convenerant, mittit ad eos legatum ZAICUNGUM virum prudentissimum cum litteris publicis, eique mandat, ut illas permittat à ceteris consueto ritu excipi, siquidem vellent; à CI autem rege, si detrectaret obsequium, nequaquam exigat. Est autem hoc apud Sinas in more positum, ut Imperatoris litteras ac diplomata non prius legant, quàm ea mensa ad hoc adornata imposita venerentur eodem honore, quo ipsum Imperatorem solent. Adest ergo ZAICUNGUS cum diplomatis, quæ ab omnibus solemniter sunt excepta; solus CI rex abnuebat obsequium. QUONCUNGUS contra gravibus eum verbis avocans à pervicaciâ, Si rex, inquit, negligens est officij, si subditi exemplum regis sequentes, ut nihil pronius est, quàm morbum à capite in membra descendere; nec ipsi subditorum partes explent; omnia necesse est converti ac misceri. Coegisti regulos, quibuscum agis, ut regulus; laudo. At istud quis laudabit, quòd cum Imperatoris legato agis, tanquam esses Imperator ipse? An non in

mentis